

## Unnuisarnerit 2007-imi amerleriartut

### Tikeraat amerleriartut

Unnuisartut 83.000-it pallillugit 2007-imi unnuisimapput, ukiup siuliani 77.000-iusimallutik, qaffariaat tassani 8 pct.-iulluni. Amerleriarnermut pingaarnertut peq-qutaavoq kalaallit tikeraat ataatsimiigiat unnuinerulersimanerat. Akerlianilli qallunaat tikeraat nikeriarpiarsimanngillat, taakkua 27.000-t missaaniillutik.


### ...unnuinerit aamma amerleriartut

2007-imi unnuisut 235.000-ngajaapput, ukiup siuliani 226.000-ngajaallutik. Tassani qaffariaat 4 pct.-it missaaniilluni. Agguaqatigiissillugu tikeraaq ullut 2,8-ni unnuisar-simalluni.

Tamanna takuneqarsinnaavoq saqqummersitami **"Overnatningsstatistikken 2007"**, Naatsorsueqqissaartarfiup nittartakkamini [www.statgreen.gl](http://www.statgreen.gl) -mi saqqummerseq-qammigaani.

### Titartagaq

#### Tikeraat unnusartut nikerarnerat, 2005-2007



### Disko-imi qaffariarneq

2007-imi Disko malunnavissumik qaffariarfiusimavoq, tamaani tikeraat unnuisut 24.000-iusimallutik. Tassani qaffariarneq 15 pct.-iulluni.

### Kujataani kinguariarneqarpoq

Akerlianilli kujataani tikeraat unnuisarnerillu appariput. Tamassumunnga nas-suaataa-voq Qorlortorsuarmi erngup nukinganik innaallagissiorfiliorneq naam-massimmat, tassa-ni sanaartornermi annertuumik island-imeersut sulisorineqarmata. Island-ermiut sulisori-sat sullivimmi qanittuani illoqarfimmi ineqarfeqarmata unnuif-feqarlutik, tamanna ukiuni 2005-imi 2006-imilu unnuisarnerit natsorsorneranni qaffariaataarujussuarmat. Kisitsisinut tikeraat Island-imeersut ilanngutinngikkaanni kujataani tikeraat "Nunat allat"-neersut unnuisarneri 2005-imiit 2006-imut aammalu 2006-imiit 2007-imut qaffariarsimapput, qaffariarneq 2pct. aammalu 26 pct.-iusimalluni.

### "Nunat allat"- niit tikeraat unnuisarnerat

Saqqummersitami tabel 2-mi takuneqarsinnaavoq tikeraat "Nunat allat"-neersut unnuisarnerat 2007-imi apparisimasut. Tamanna qulaani taaneqareersumik

peqquteqarpoq, tassa tikeraat Island-imeersut 2005-imi 2006-amilu qaffariarujussuartsinerat. Tikeraat Island-imeersut kisitsisinut ilanngutinngikkaanni, "Nunat allat"-neersut tikeraat unnuisarnarat unnuinernik 3.025-inik qaffariarsimavoq, qaffariaat 10 pct.-iulluni. Aammattaaq saqqumersitami tabel 2-mi takuneqarsinnaavoq nunat allaneersut unnuisarneri kvartal-imi siullermi aappaanilu appariarsimallutik, kvartal-ip pinga-juani sisamaannilu qaffariarsimasut.

*2006-imi kisitsisit  
iluarsisat*

2006-imi unnuisartut amerlassusaat unnuinerillu amerlassusaat iluarsisaapput siornagut naatsorsukkanut naleqqiullugit. Iluarsaaneq pivoq unnuiffiusartut ilaata nutaamik nalunaarusiorneratigut, tassani takuneqarsinnaammat tikeraat amerlassusaat taamatullu unnuisut amerlassusaat ikinnerusut siornagut Naatsorsueqqissaartarfimmut nalunaaruteqarnermit. Kisitsit nutaat takutippaat 2005-imiit 2006-imut unnuisarninni qaffariarneq 13,7 pct.-iunani 4,5 pct.-iusimasoq.

*Pdfl-fili*

**"Overnatningsstatistikken 2007"** pdf-filitut aaneqarsinnaavoq Naatsorsueqqissaartarfiup nittartagaani [www.statgreen.gl-mi](http://www.statgreen.gl-mi) imaluunniit Naatsorsueqqissaartarfimmut piniarneqarsinnaalluni.

*E-mailikkut pisartagaqalerit*

Kisitsisinik nutaanik Naatsorsueqqissaartarfiup saqqummersitaanik tusartinneqartarumaguut uunga nutaarsiassaqaartinneqartalerit: Iserfigiuk [www.statgreen.gl](http://www.statgreen.gl) qinigasani saamerlermi toqqaruk "nutaarsiassat" tassanilu ilanngugit. Taava kisitsisinik nutaanik saqqummertoqaraangat e-mailikkut nalunaarfigineqartalissaatit.

Paasisaqarusunneruguit siunnersortimut Najaaraq Kreutzmann-mut [nakr@gh.gl](mailto:nakr@gh.gl) e-mailer-lutit imaluunniit tlf. 36 23 70-mut sianerlutit saaffiginnissinnaavutit.

Inussiarnersumik inuulluaqqusillunga

Najaaraq Kreutzmann

Naatsorsueqqissaarnermut siunnersorti